

楚

寶

楚寶卷二十六

明 梁谿高世泰彙旃父鑒定

湘潭後學周聖楷輯纂

同邑張 炯較訂

忠義

陳邁

陳邁字亨伯其先自江寧徙永州登進士知華縣有治績再知雍丘縣爲廣西轉運判官蔡京啟劾邁言蠻人幸安靜輕擾之則召亂不測京惡之以他

事罷。魁張商英柄政，用爲左司員外郎，俄擢給事中。會商英免相，遣懼請外，以直秘閣爲河北轉運使。加直龍圖閣，徙陝西，召還京師。而蔡京復相，再使河北。徙淮南，徽將易置發運使，朝廷方督綱餉，運渠壅澁，遣使決呂城陳公兩塘，達于渠漕路，甫通而朱勔、花石綱塞道，官舟不得行。遣捕繫其人，上章自劾，乃黜。勔進，遣徽猷閣待制宣和七年冬，方臘亂，詔以屬遣加龍圖閣直學士經制七路，治于杭。時縣官多費，遣議度公私出納，量增其贏，號經制錢。後總制使翁彥

國倣其式號總制錢於是始有經總制錢名及言妖
賊陵暴恣行殺戮斷截文體探取肺肝熬以鼎油射
以勁矢備極慘毒不償怨心蓋貧汙嗜利倚法侵牟
騷動不知藝極積有逆氣結于民心一旦乘勢可爲
悲痛此風不除必更生事臣願採撫官吏竊賊按治
以間進於是劾趙州王仲義糾市民造金茶毬戒置
糧券而以私錢取之仲義坐黜徙河北都轉運使欽
宗立加資政殿學士積官至光祿大夫歷真定守又
徙中山金人再至進骨圍入城堅守詔康王領大元

帥命遵爲兵馬元帥受闡半年外無援師京都既陷
割兩河求和遵弟光祿卿適至中山臨城諭旨遵遙
語曰王麻臣死吾兄弟平居以名義自處寧當賣國
家爲囚絜乎適泣曰兄但盡力勿以弟爲念遵呼總
管使盡括城中兵擊賊總管辭遂斬以徇又呼步將
沙振往振亦固辭遵問遣之振怒且懼裹刃入府遵
委定奴責其輒入振立殺之遂害遵于堂及其子錫
併僕妾十七人長子鉅以官淮南獲免振出帳下課
而前曰大敵臨城汝安得殺吾父執而摔裂之身者

無餘。城中無主。乃開門出降。金人入見其屍。曰。南朝忠臣也。歟。而葬諸鐵柱寺。建炎初。贈特進。邁性孝友。寬厚。任部刺史二十年。每出行。羆邑必焚香祈天。願不逢貪濁吏。適由開封少尹衛尉少卿至光祿。是役也。金人執之以北。後十年。死於雲中。

聖楷曰。陳邁爲刺史。行羆邑。以不逢貪濁吏爲已願。庶幾埋輪獨立之風。乃坐守中山。卒以殞命。豈吏治有餘。將才不足者歟。雖然是時。二帝已北。邦昌僭命。中山孤注。誰與守之。邁適兄弟獨以名義。

相勉之。死靡他。斯其忠節亦爲難能矣。

陳求道

陳求道字得之，鄂州咸寧人。登進士第。靖康間，判都水監。及朝議二帝出郊，請和。求道力爭之，不聽。欽宗知康王兵衆，求道請以元帥加之。齎蠟書者八人，皆遇害。惟求道所薦劉定致書還金人，立張邦昌，下令在京官不朝者死。求道稱疾不往，嘔血累日。開封尹親以邦昌命召之，竟不能屈。求道以二帝蒙塵，屢欲自殺。因救得免。先是，陳留河決四十餘日，漕運不通。京城大恐，開封尹宗澤命求道治之。七日，河盡復故。

道建炎四年命爲相鄧隨鄧鎮撫使以請兵食不給緣有嫉之者遂黽蒲待命會招討劉忠叛劫求道爲至數千人擁至茗山求道怒罵不從賊遂殺其妻併二子特餘求道罵愈厲賊砍其口拔舌斷之而死獨符子凱竄山谷得免賊退始得求道屍瘞于龍堂寺側事聞改葬興陂

聖楷按一統志陳求道墓在蒲圻縣東二十里興陂景泰中黎公弁以旱禱雨有應事載蒲圻志中

范天順

范天順，荆湖都統也。襄陽受圍，天順日夕守戰，尤力。及呂文煥出降，天順仰天歎曰：「生爲宋臣，死當爲宋鬼。」卽守處，縊死。贈定江軍承使制，曰：「賀蘭擁兵坐視，睢陽之失；李陵喪節，重爲隴士也。羞今有人焉，得其死所，不可無褒恤，以示寵綏。」范天順功烈雖卑，忠義莫與自均。房泛舟之役，克濟爲艱，襄樊坐甲之師，益堅所守。俄州刺史爲降將軍，爾乃不屈自縊，可謂見危致命，封其妻室，人官其二子，仍賜白金五百兩，田

五百八

聖楷按樊城被圍五年。天順牛富力戰不降。咸淳九年正月。元張弘範見阿朮曰。襄在江南。樊在江北。我陸攻樊。則襄出舟師來救。終不可取。若截江道。斷救兵。水陸夾攻之。則樊必破。而襄亦下矣。阿朮從之。遂以師截江。而出銳師薄樊城。城乃陷。二月。呂文煥遂以襄陽叛降于元。制詞中俄州刺史。爲降將軍。蓋指文煥也。真當愧死。

張順

張貴附

張順民兵部將也。襄陽受圍五年，宋閻知其西北一水曰清泥河，源于均房，卽其地造輕舟百艘，以三舟聯爲一舫，中舟裝載，左右舟則虛其底而掩覆之，出重賞募死士，得三千，求將得順與張貴，俗呼順曰矮張，貴曰竹園張，俱智勇素爲諸將所服，俾爲都統。出令曰：此行有死而已，汝輩或非本心，空函去毋敗吾事。人人感奮。漢水方生，發舟百艘，稍進，圍山。越二日，進高頭港口，結方陣，各船置火鎗、火砲、熾炭、巨斧，勁

弩夜漏下三刻起，可出江以紅燈爲識。貴先登順殿，之乘風浪，徑犯重圍。至磨洪灘以上，北軍舟師布滿江面，無隙可入。衆乘銳，凡斷鐵絙，攢棹數百，轉戰百二十里。黎明，抵襄城下。城中久絕援，聞救至，踊躍氣百倍。及收軍，獨失順。越數日，有浮屍遡流而上，被介冑，執弓矢，直抵浮梁，視之，順也。身中四槍六箭，怒氣勃勃，如生。諸軍驚以爲神，結塚歛葬，立廟祀之。張貴旣抵襄，襄帥呂文煥力解其守，貴恃其驍勇，欲還郢。乃募二士能伏水中數日，不食，使持蠟書赴郢求援。

北兵增守益密水路連鎖數十里列撒星椿雖魚蝦
不得度二人遇椿卽鋸斷之竟達郅還報許發兵五
千駐龍尾洲以助夾擊刻日旣乃別文煥東下點視
所部軍泊登舟帳前一人亡去乃有過被撻者貴驚
曰吾事泄矣亟行彼或未及知復不能卹枚隱迹乃
舉砲鼓噪發舟乘夜順流斷絙破圍胥進宸皆辟易
旣出險地夜半天黑至小新城大兵邀擊以死拒戰
沿岸束火列炬火光燭天如白晝至勾林灘漸近龍
尾洲遙望軍船旗幟紛披貴軍喜躍舉流星火示之

軍船見火卽前迎及勢近欲合則來者皆北兵也蓋
郢兵前二日以風水驚疑退屯三十里而大兵得逃
卒之報據龍尾洲以逸待勞貴戰已困出於不意殺
傷殆盡身被數十槍力不支見執卒不屈死之乃命
降卒四人昇尸至襄令於城下曰識矮張乎此是也
守陣者皆哭城中喪氣文煥斬四卒以貴附葬順塚
立雙廟祀之

聖楷曰是時李庭芝爲荊湖制置使功雖不就事
則甚奇且二人出入重圍潛行水底如履平地與

順。屍。逆。流。而。上。至。今。猶。有。生。氣。使。貴。謀。不。泄。龍。尾。洲。之。績。豈。讓。鵲。浦。哉。又。按。庭。芝。受。援。襄。之。命。范。文。虎。卽。貽。書。賈。似。道。曰。吾。將。兵。數。萬。入。襄。陽。一。戰。可。平。但。願。無。使。聽。命。于。京。閭。事。成。則。功。歸。恩。相。矣。似。道。卽。命。文。虎。之。兵。從。中。制。之。庭。芝。屢。約。進。兵。文。虎。但。與。妓。妾。嬖。淫。擊。鞠。飲。宴。爲。樂。以。取。旨。未。至。爲。辭。卒。之。文。虎。敗。逃。而。元。兵。大。合。庭。芝。不。得。已。而。爲。是。亦。無。及。矣。宋。事。至。此。誰。能。救。之。徒。使。英。雄。相。尋。盡。耳。

李希

李希字叔章其先廣平人中徙汴高祖升起家爲吏有廉名靖康中金人破汴以刃迫之升前揖之與其父俱死曾祖椿徙居衡州遂爲衡人希生而聰警少自樹立名其齊曰無暴棄魏了翁一見禮之謂有祖風易其名曰肯齊初以蔭補南安司戶辟祁陽尉出賑荒卽有聲攝祁陽縣縣大治辟湖廣安撫司幕官時盜起永州招之歲餘不下希與叅議鄧垌提千三百人破其巢禽賊魁蔣時選以歸餘黨悉平攝湘潭

縣縣多大家前令束手不敢犯帝籍籍出賦不避貴勢賦後大均入朝差知德清縣屬浙西饑帝置保伍振民活數萬計遷至管酒康德清有妖人煽亂民蜂起附之至數萬人遣帝討之盜聞其來衆立散歸除司農寺丞歷知永州有惠政永人祠之以浙東提刑知温州州瀕海多盜帝至盜息遂以前官移浙西時浙西亦多盜羣穴文廟中帝跡得其出沒按捕之盜亦駭散作虎丘書院以祠尹焞置學官親爲學規以教之學者甚盛咸淳元年入知臨安府時賈似道當

國前尹事無鉅細先關白始行。帝獨無所問。福王府有迫人死者。似道力爲營。掾帝以書往復辨論。竟寘諸法。嘗出閤。火具。民有不爲具者。問之曰。似道家人也。立杖之。似道大怒。使臺臣黃萬石誣以贓罪。罷之。大軍取鄂州。始起爲湖南提刑。時龍縣盜擾。民多奔竄。帝令所部發民兵自衛。縣與一皂幟。令曰。作亂者斬。幟下民始帖然。乃號召發兵。擄壯士三千人。使土豪尹奮忠將之。勤王別召民兵集衡爲守備。未幾似道兵潰。襄湖乃復。帝官知潭州兼湖南安撫使。時湖

北○州○罷○皆○已○歸○附○其○友○勸○帝○勿○行○帝○泣○曰○吾○豈○昧○謀○
身○哉○第○以○世○受○國○恩○雖○廢○棄○中○猶○思○所○以○報○者○今○幸○
用○我○我○以○家○許○國○矣○時○所○愛○女○死○一○慟○而○行○德○祐○元○
年○七○月○至○潭○潭○兵○調○且○盡○游○騎○已○入○湘○陰○益○陽○諸○縣○
倉○卒○召○募○不○滿○三○千○人○乃○結○溪○峒○蠻○爲○聲○援○繕○器械○
峙○芻○糧○柵○江○修○壁○命○劉○孝○忠○統○諸○軍○吳○繼○明○自○湖○北○
至○陳○義○陳○元○自○成○蜀○歸○帝○奏○請○留○之○成○潭○推○誠○任○之○
皆○得○其○死○力○元○右○丞○河○里○海○牙○旣○下○江○陵○分○軍○戍○常○
德○遇○諸○蠻○而○以○大○兵○入○潭○帝○遣○其○將○於○興○帥○兵○禦○之○

于湘陰與戰。死。九月。再調。繼明出禦。兵不及出。而元
軍已圍城。帝慷慨登陴。與諸將分地而守。民老弱亦
皆出保。伍助之。不令而集。十月。兵攻西壁。孝忠輩奮
戰。帝親督矢石以督之。城中矢盡。有故矢。皆羽敗。帝
命括民間羽。扇羽立具。又苦食。無鹽。帝取庫中積鹽。
席焚取。鹽給之。有中傷者。躬自撫勞。日以忠義勉其
將士。死傷相藉。人猶飲血。乘城殊死戰。有來招降者。
帝殺之。以徇。十二月。城圍益急。孝忠中礮。風不能起。
諸將泣請曰。事急矣。吾屬爲國死可也。如民何。帝罵。

楚寶
曰○國○家○平○時○所○以○厚○養○汝○者○爲○今○日○也○汝○第○死○守○有
後○言○者○吾○先○戮○汝○除○夕○大○兵○登○城○戰○少○却○旋○蟻○附○而
登○衡○守○尹○穀○及○其○家○人○自○焚○帝○命○酒○醉○之○因○留○賓○佐
會○飲○傳○令○猶○書○盡○忠○字○爲○號○飲○達○旦○諸○賓○佐○出○恭○議
楊○震○赴○圍○池○苑○帝○坐○熊○湘○閣○召○帳○下○沈○忠○遺○之○金○曰
吾○力○竭○分○當○死○吾○家○人○亦○不○可○辱○於○俘○汝○盡○殺○之○而
後○殺○我○忠○伏○地○扣○頭○辭○以○不○能○帝○固○命○之○忠○泣○而○諾
取○酒○飲○其○家○人○盡○醉○乃○徧○刃○之○帝○亦○引○頸○受○刃○忠○縱
火○焚○其○居○還○家○殺○其○妻○子○復○至○火○所○大○慟○舉○身○投○地

乃自刎幕屬茶陵顏應焱安仁陳億孫皆死。潭民聞之多舉家自盡。城無虛井。繼林木者累累相比。繼明等以城降。陳毅潰圍將奔閩中。道戰死。事聞。贈端明殿大學士。謚忠節。帝初至潭。遣其子裕孫出曰。存汝以奉祀也。其孫叔輔亦親迎于溫。皆得不死。二王悉詔入閩。官之。帝爲人剛介。不畏強禦。臨事精敏。茲猶不能欺。且強力過人。自旦治事至暮。無倦色。夜卒。至三鼓始休。五鼓復起視事。望之凜然。猶神明而好賢禮士。卽之溫然。雖一藝小善亦惓惓獎薦之。平生居

官廉及擯斥家無餘貲

宋本湖南安撫使李公祠堂記曰李公以至元十
二年冬爲我師所圍城守三閱月隨方備禦數戰
無外放不能支明年正月四日城破公不肯屈曰
吾死固分家亦不可辱于俘乃積薪州治雄湘閣
命妻孥十九人登其上召帳下沈忠曰汝先殺吾
家次及我然後縱火忠不忍強之始如命忠感公
義亦自剄事載宋野史湖湘間父老亦能道之公
衡人宅在砵西南至元間有司以爲學建祠學東

偏置公畫像其中奉之久頗壞天曆二年敕官劉
侶上言提舉儒學官曰前政祠公號山王謂學其
宅也是特繙著公畫心所事一室祠衙爲公鄉較
鄉較嘗出忠義人可增重二室祠乞葺公故祠塑
公像且空以故宋知衡陽縣穰君侑食穰君諱擴
祖初尉縣當憲宗皇帝之九年十月大將兀良合
台以天兵蹂大理交趾入廣南西道先鋒破永州
衡守令丞暨民皆走穰君戍石灣聞難還救時所
在盜充斥穰君緣道捕擊始得行比至先鋒入城

見民大去。餘空室。火之而退。十一月。穰君達城中。招散亡以守。閏十一月。元良合台進駐青草渡。聚舟欲絕。湘夾攻。穰君提兵水東岸。楊林廟相拒。七晝夜。募死士沈所聚舟。元良合台遂舍去。衡卒以完公薦諸朝。超七資以承務郎知縣事。穰君公故吏德同義比。衡民又營賴以活。倡謂公安祠穰君。空侑者以此提舉官報行。廼修祠屋。塑公像其中。左以穰君配。工畢。倡之父淳安縣尹壽翁走書京師。求予記。嗟乎。當歲己未。憲廟親幸蜀。世祖皇帝。

以皇弟帥兵渡鄆將與元良合台共會江左宋人
號幹腹之師。倚角搏虛勢。急雷電。稜君以一尉軍
孤壘。小敢與之抗。克免於厄。難哉。及淮安王伯顏
受命南伐。鄆之沙陽新城戍將嘗一再戰。及陽羅
敗。劔岸江。羈邑小大文武將吏降。悉恐後其降者。
或自言未賞賚。或又自言已離得名位。子弟部曲
未官。至或自言某羈某城。有已屋室奴婢資業。身
先未降時。行營嘗謂若納款。俟下其地。悉見還。今
已克其所。乞如向所許可。羞可惡之狀。百出。宛城。

郭封疆者間有一二求如李公之死之明白偉特。蓋鮮累聖下詔書艱國及忠臣烈士之祀者十九。公與君合食一祠信矣。然予又有告衡較官者。昔金將亡其威勝軍節度使兼沃州管内觀察使。右監軍行元帥府事趙懋與天兵戰高邑被擒。怒罵不屈以死。其子嵩汝招撫使良貴孫十人長諱。弟子忠勇軍提控良材皆以戰敗死。國事至元六年。懋次子良弼以秘書監使日本將行上奏曰。臣家世仕金源死事者四人。嘗欲紀其行實以事在。

前朝無裨聖代造次未敢謹昧死上聞乞聖慈矜
憫上曰人臣各爲其主父終于所事雖在前朝亦
朕心所嘉况有賢子爲吾叢臣何嫌何疑不以立
石哉命申書省傳旨翰林學士王盤撰文刻其贊
皇家廟嗟乎世祖之心惟天似之今皇上神聖文
明動法祖宗而學校清議所根苟能援慙比言之
朝曰公與慙皆亡國人慙家死者四人公自殘一
家節不下慙乞褒寵如慙萬一聞可救詞臣紀其
事則既可爲公光耀又能作沈忠像其側以侍所

勸將益廣而祠爲大脩矣。試思之公諱芾字叔章號肯齋先生其先洛之永年縣萬頃鄉招農里人穰君字公有天彭人仕至湖北僉憲李西涯公曰嗚呼自古有國莫不亡而顛踣因感可悲痛者空莫如宋之亡也使節死義者數十人或止一身或連一家或及其將佐而能使人感徼之深且衆者空莫如李忠節宋亡後數十年其遺民故老尚隱思之忠節死潭人至今道其事猶慷慨泣下嗚呼是孰使然哉論者固以爲宋三百年

養士之報然當時棄城賣主背位而逃者亦多矣。微忠節潭人未必死死未必能多忠節守潭未半年而感動人若是及其死舉湖以南皆降天下之存亡所繫可知已。

聖楷按宋本記忠節公之宅廢爲學宮與記其妻孥十九人焚死事皆國史所不及故備錄之又今衡州忠節祠弘治間徙于城隍廟左失其故宅爲學之意還當祠于學傍爲是。

楊霆

楊霆字震仲以父大異蔭補將仕郎銓試第一授修職郎桂嶺主簿有能聲五中漕舉改鄂州教授遷復州司理叅軍轉鼎澧觀察推官擢知監利縣縣有疑獄歷年不決霆未上廉得實立決之人稱神明辟荆湖制置司幹官呂文德爲帥素慢倭士嘗試以難事霆倉卒立辨皆合其意一日謂曰朝廷有密旨出師策應淮東誰可往者卽對曰某將可司兵器糧草某營可備罷甲矢石口占立授頃刻案成文德大驚曰

答平生輕文人以其不事事也。公材幹如此。否何敢不敬密薦諸朝。除通判江陵府。江陵雄據上流。表裏襄漢。西控巴蜀。南扼湖廣。兵民雜處。庶務叢集。隨民裁決。處之泰然。暇日請耨庠與諸生講學。又取隸官閒田。增益廩。稍選民之強壯者。於農隙訓練之時。付以器械。雜兵行肄。習親閱。試行賞以激勸之。未幾能擇甲騎射。遂皆獲用。而兵不復擾民。丁內艱。德祐初起復。奉議郎湖南安撫司叅議。與安撫使李芾協力戰守。芾有心計。善出奇。應變帥府機務。芾一以委

之城初被圍日夜守禦數日西北隅破霆麾兵巷戰抵幕增築月城比旦城復完策厲將士以死守之城既破霆赴水死妻妾奔救無及遂皆死

聖楷曰李芾潭州之圍以盡忠厲將士故元夕城破潭民感激多舉室自盡此從古未有之事說者謂屈賈之遭澤漸渾于長沙者先爲芾地而芾乃得以倡而風之斯固然矣然亦是偉人義士生同鄉死同地奏合一時如楊震父子忠孝素著尹穀師範三學遜心又如沈忠之義勇顏陳之協贊皆

志烈秋霜精貫白日潭之人士何獨無心且潭之
人士忠孝故其天性也晉譙王承一與討逆之師
而易雄虞懼諸人赴死如騷豈非丹心注射前後
合轍哉呂溫題陽人城云忠驅義感卽風雷誰道
南方乏武才天下起兵誅董卓長沙子弟最先來
然則潭之人士不獨可與死難又可與勤王矣

尹穀

尹穀字耕叟，長沙人。性剛直，莊厲。初處羣學士友，皆嚴憚之。宋以詞賦取士，季年惟閩浙賦擅四方。穀與同羣邢天榮、董景舒、歐逢泰諸人爲賦體裁典雅，每一篇出，士爭學之。由是湘賦與閩浙頡頏。中年登進士第，調常德推官。知崇陽所至，廉正有聲。丁內艱，居家教授，不改儒素。目未出授，諸生經及朱氏四書，士雖有才思而不謹飭者，擯不齒。諸生隆暑必盛服端居，終日夜滅燭始免巾幘。早作必冠，而後出。雖行市

中市人見其舉動有禮，相謂曰：「是必尹先生門人也。」詰之，果然。晚入李處之制幕，用薦擢知衡州。需次于家，源城受兵，帥臣李芾禮以爲恭，謀共畫，備禦策時城中壯士皆入衛臨安，所餘軍僅四百五十人，老弱大半芾糾率民丁獎勵以義，人殊死戰。三月城不下，大軍斷絕，險要援兵不至，穀知城危，與妻子訣曰：「吾以寒儒受國恩典，方州設不可屈，若輩必當從吾死耳。」召弟岳秀使屈以存尹氏祀。岳秀泣而許之。已乃積薪，扃戶朝服，望闕拜，先取歷官告身焚之，卽火自。

焚隣家救之火熾不可前。但於烈焰中逢見穀正冠。端笏危坐。闔門少長皆死焉。帝聞之命。酹穀曰。尹務實男子也。先我就義矣。務實穀號也。初潭士以居學肄業爲重州學生月試。積分高等升湘西嶽麓院生。又積分高等升嶽麓精舍。故潭人號爲三學生。聚居州學。猶不廢業。穀死諸生數百人往哭之。城破多感。激死義者。

聖楷按李忠節公帝長沙先未有專祠。成化五年。祀守金壇錢澍始請于朝立祠塑帝像。其中以

楚書

升穀配永著祀典李文正公東陽撰記今祠卽熊
湘開故址

邊居諒

邊居諒隨人也。初事李庭芝。積戰功。至都統制。咸淳十年。以京湖制置。帳前都統守新城。居諒善御下。得士心。凡戰守之具。治皆有法。大兵至沙。守將王大用不降。麾兵攻城。破之。執大用。呂文煥憚其小壘。可不攻而破。居諒率舟師拒之。文煥列沙陽。取斬首招降。不從。明日縛大用至壁下。使呼曰。邊都統急降。不然禍卽至矣。居諒不答。又射榜檄入壁中。居諒曰。吾欲與呂恭政。語文煥聞之。以爲居諒降已。馳馬至伏弩。

亂○發○中○文○煥○者○三○併○中○其○馬○馬○什○幾○鈔○得○之○展○挾○文○
煥○以○他○馬○奔○走○越○三○日○總○制○黃○順○挾○一○人○開○東○門○走○
降○明○日○使○順○來○招○之○居○該○曰○若○欲○得○新○城○耶○否○誓○以○
死○守○此○何○可○得○也○順○又○呼○其○部○曲○欲○總○城○出○居○該○悉○
驅○以○入○當○門○斬○之○文○煥○乃○麾○兵○攻○城○以○火○具○却○之○旋○
蟻○附○而○上○居○該○乃○取○其○家○金○盡○散○將○士○往○來○督○戰○會○
募○破○侵○戰○樓○樓○火○延○燬○民○居○居○該○度○力○不○支○走○還○第○
拔○劍○自○殺○赴○火○死○丞○相○伯○顏○壯○其○勇○購○得○其○屍○殮○中○
觀○之○事○聞○贈○利○州○觀○察○使○立○廟○死○所○

聖楷曰宋失襄陽已五年矣至是元伯顏帥師二
十萬侵郢張世傑力戰拒之遂潛師入漢屠沙洋
進逼新城而呂文煥爲之前驅悲哉新城一孤壘
耳居諒以疲卒三千敵其二十萬方張之虜且守
且戰至死不屈豈非烈士哉購旣燼之骨識猶
生之否伯顏此時視呂文煥爲何如人也

周鏜

周鏜字以聲瀏陽州人

元陸爲州

篤學通春秋登泰定四

年進士第授衡陽縣丞尋調大冶縣尹縣有豪民持
官府短長號爲難治鏜狀若尫懦而毅然有威不可
犯抑豪強惠窮民治行遂爲諸縣最累遷國子助教
會修功臣列傳擢翰林國史編修官乃出爲四川行
省儒學提舉便道還家無何盜起湖南北隄縣皆陷
瀏陽無城守盜至民皆驚竄鏜告其兄弟使遠引自
謂我受國恩脫不索必死毋爲相累也賊至得鏜欲

推以爲至鐘惟曠日厲聲大罵賊知其不可屈乃縱之

聖○按楚紀取鐘大別山賊遂編入昭文外紀此
塲○屋○木○技○耳○何○堪○雅○薦○不○若○從○元○史○忠○義○傳○錄○之
爲○然○鐘○以○便○道○還○家○無○城○守○之○責○又○無○應○敵○奇
謀○定○衛○桑○梓○徒○忿○然○輕○身○夾○死○亦○非○正○命○孟○子○謂
可○以○死○可○以○無○死○死○傷○勇○其○鐘○之○謂○歟○抑○歎○古○卿
先○生○猶○有○不○避○賊○鋒○而○死○民○社○者○後○之○棄○城○而○逃
報○然○符○綬○又○何○人○哉○

劉畊孫

劉畊孫字存寄，茶陵州人。至順元年進士，授承事郎。桂陽路臨武縣尹。臨武近蠻獠，畊孫至，召父老告之曰：「吾儒生也，今爲汝邑尹。爾父老當體吾教訓其子弟，孝弟力田，暇則事詩書，毋自棄以干吾政。」乃爲建學校，求民間俊秀教之，設俎豆習禮讓。三年，文化大興。邑有茶課，歲不過五錠，後增至五十錠。畊孫言于朝，除其額。歷建德、徽州、瑞州三路推官。所至詳讞疑獄，其政績卓然者甚衆。至正十二年春，斬黃賊，攻破。

湖南。叻孫傾家貲募義丁以援茶陵。賊至輒却。故茶陵久不失守。十五年轉儒林郎。寧國路推官。歲饑勸富民發粟賑之。活者萬計。會長餘瑣南班程述謝璽等攻寧國。叻孫分守城西南。城陷。叻孫力戰遇害。第盡孫以國學生下第。授寧州儒學正。湖南陷。嘗寧長吏棄城走。民奉印請璽爲城守。城賴以完者一年。外援俱絕。死之。長子碩爲武昌江夏縣。魯湖大使起義兵。援茶陵亦死之。

丁普郎

丁普郎黃州府黃陂人從征友諒有功授行樞密院同知復與友諒戰死於鄱陽身被十餘創首脫猶執兵若戰狀直立不仆贈柱國上將軍封齊陽穆公從祀康山忠臣祠

聖楷曰我

太祖高皇帝癸卯鄱陽之捷血戰凡五晝夜友諒伏殲其神功駿烈具載宋濂平江漢頌中是時將臣効忠死敵者帳前總制親兵左副都指揮使韓成

樞密院同知丁曾郎院判張志雄統軍元帥宋貴
陳兆先副元帥余承昌文貴王勝李信萬戶權國
勝千戶姜潤鎮撫曹信等凡三十餘人舉平文廟
康郎山

姚善

姚善字克一安陸人初姓李後復姓居魚寨善志行
淳實學識高遠爲書生時遍讀書所曰待旦軒會稽
唐之淳爲之銘善工詩與唐相偈和洪武中鄉舉歷
祁門丞同知廬州重慶所至有能聲三十年擢蘇州
府初上以吳民染吏俗儻靡遠式繩以重法鬻訟
者更持短長訟蜂起難治善洞達政體周悉人情張
弛寬密允協時空數造請罷賢考求治道商畧民生
休戚俗尚淳漓稍因俗改正吏民回嚮轉稱大治爲

列○髡○最○隱○士○王○賓○居○陋○巷○善○往○候○舍○車○請○門○賓○問○爲○
誰○曰○姚○善○賓○乃○開○門○延○語○及○賓○報○謁○而○府○門○再○拜○而○
還○善○自○邀○還○辭○非○公○事○不○敢○入○又○將○候○韓○奕○奕○避○入○
太○湖○善○歎○曰○韓○先○生○可○謂○名○可○聞○而○而○不○可○見○者○錢○
芹○自○守○甚○高○善○願○見○不○可○得○有○俞○貞○木○者○以○明○經○見○
重○於○善○月○朔○望○必○延○至○學○宮○講○經○書○訓○士○一○日○饋○菜○
於○貞○木○誤○送○芹○所○芹○受○之○吏○覺○其○誤○請○貞○木○以○告○貞○
木○曰○錢○先○生○不○苟○取○與○今○受○不○辭○必○仰○府○公○之○賢○耳○
善○聞○之○欲○往○候○乃○使○人○先○道○意○芹○對○使○者○曰○芹○誠○願○

見公然芹民也。禮不可往。見于庭者。明公弘下士之風。請侯月朔相會于學宮。善如期至。迎芹置坐上。請質經義。芹曰。此士子之業。公今有官守。何不詢時務。和善益起敬。請問今日急務。芹出授一簡。竟不交言而去。視之。皆戰守制勝之策也。善心嘉之。時靖難兵已出北平。善於是密結常鎮嘉松四郡守。訓練民兵。相約勤王。而薦芹爲行軍司馬。建文元年。善至京師。書策防禦。又從大將軍北行。尋還京。建文君用漢破七國策。貶齊黃于外。善言于朝曰。人有玄武木罌可。

楚寶

扶顛濟危者反置散地不用今事已狼狽須急召之
詢其姓名不對再三詢之曰今人才豈有過于黃大
卿者遂復召還二人四年詔善督蘇松嘉興鎮五
糧兵勤王未及戰文皇卽位索子澄甚急子澄避
善所約共航海善謝曰公可去善不可去公朝臣可
四往號召圖興復善職守土義當與城存亡子澄遂
去善爲麾下許千戶等縛見文皇詰善曰若一糧
守乃敢舉兵抗我耶善厲聲不遜死之時年四十三
後有沈魯者以詩吊之曰倉卒勤王五糧兵南風無

力北風鳴清忠自托巴湖月穢史何曾說梁卿正德
十一年湖廣巡撫秦金祀善鄉賢祠

遜國臣記曰黃鉞字叔揚嘗熟人以生員薦除空
章典史建文元年舉湖廣鄉試明年進士授刑科
給事中陞戶科左改禮科建文三年外艱方孝孺
屏左右問曰北兵日南蘇嘗鎮京師左輔君吳人
朝廷近臣今雖去豈有以教我鉞曰三魁惟鎮江
最要害守非其人自撒藩籬也鎮江指揮童俊狡
猾不可測蘓州知府姚善忠義激烈有國士風能

當一面。但仁慈有餘。而御下太寬。此治亂之良才。恐不足定亂。然國家大勢。不在江南。我馬至此。而禦之晚矣。孝孺因附書善勉。以忠孝期戮力王室。濟時艱。善得書與鉞相對慟哭。以死自誓。鉞就父殯居陂上。舊廬足跡不入城也。靖難兵至江上。善受建文君詔。總督蘇松常鎮嘉興五糧兵勤王。以書招鉞。鉞即日營糗果。遂至善所。時俊果以鎮江降。靖難後詔暴善罪。捕善急。善麾下許百戶數權詐得親善。縛善邀賞。鉞聞之。慟哭遂絕食。閉目三

日○求○死○家○人○救○免○武○告○鉞○曰○善○款○服○已○得○宥○鉞○卽○
瞠○目○曰○吾○知○善○決○無○二○心○吾○且○少○俟○善○事○定○吾○獨○
死○未○晚○脫○善○果○不○死○吾○將○下○報○希○直○遂○復○稍○稍○食○
是○年○七○月○善○死○報○至○鉞○起○登○琴○川○橋○西○向○再○拜○祀○
善○慟○哭○曰○吾○與○君○同○受○國○恩○國○有○難○義○同○許○身○君○
今○與○希○直○同○死○國○吾○忍○獨○生○乎○祀○畢○詒○家○人○歸○祭○
具○遂○從○容○整○衣○冠○奮○身○入○水○死○時○北○兵○四○出○捕○善○
黨○籍○籍○言○且○併○錄○鉞○家○親○族○悉○驚○伏○鉞○友○人○楊○福○
具○棺○衾○日○夜○泣○橋○側○百○方○求○鉞○屍○不○得○更○數○日○屍○

忽自出立水中。福痛哭。抱起。易衣。體猶不潰。竟成。禮。塋之。屏處。福父。潔早。奇。鉞。鉞與福共學。福亦有古行。

聖楷按國朝風氣淳朴。有父兄之于子弟。惟恐讀書見徵者。越父見鉞好學甚。恐不免數懲之。弗爲變。乃令督耕。葛澤陂田舍間。鉞託市鹽酪。一二日入城借書。親知間沿道披閱。至陂輒盡。每以爲限。隱者楊潔避雨泊舟。鉞舍旁見鉞倚簷讀書。就視之。曰。監子學如此哉。日讀幾何。對曰。我苦無書讀。

耳過目不忘也。滌曰：我有書藏洋海店架，插不下萬卷。監子能從否？遊乎？鉞喜從。至滌舍，乃令其子福與鉞同業三年，盡其書。縣聞之，俱辟賢良。滌怨鉞曰：吾遭亂世家破，族散，携兒耕讀遠郊，以全餘生。念子好學，舉書供業，一何不善？晦并累吾兒耶？鉞乃說尹罷福。及鉞與姚善，俱免。建文之難，而福獨骨死。求之既得，屍復弔以詩曰：江風夜夜鼓洪波，江雨朝朝濕薜蘿。九辨不回哀郢志，三軍難奪採薇歌。手披宿草狐踪滿，夢轉空梁月影多。誰謂

百年臣子恨。獨同野老淚。滂沱噫。羣除之際。又何多奇士也。

鄭埜

鄭埜字孟質，空章人。永樂辛卯鄉貢士，理刑都院事。以廉平名。十一年爲監察御史，時駕在北京，有言南京鈔法滯衆，謂將起大獄。公往擒市豪一二，趨奏曰：「市人聞令懼鈔法通矣。」事遂已。十六年，石州人告變，擢陝西按察副使，勅公事。卽實會官軍勦公，察其誣，乃反獄。亡命安言冀脫死，聞上止弗問。誅誣者，宣德四年，陝右饑，移粟煮粥全活萬人。公最清謹，父又賢，嘗市褐寄父，貽書罵何處得此褐者，以不義污我父。

教官公欲見父聘陝西考鄉試父又大怒罵辭不至
歸憂服除陞應天尹興利去害市征田稅皆酌其平
豪猾不得爲輕重正統元年進兵部左侍郎時尚書
王驥西征公任部事有勞上與除戎籍四年京師
淫雨壞廬舍公言此陰陽爲沴兵陰也臣等不職所
致乞罷歸田里不許久之進尙書時欲變易軍伍使
南北人各適土性下羣議公曰此舊制不可紊稍有
變易將不勝其弊咎將誰歸卒不動十四年上北
征虜力止不允比出關又請回鑾王振惡公矯旨令

與戶部王尚書佐隨老營至懷安墜馬幾殆從者請
留就醫藥曰天子在前可託疾求自便力疾至雲中
還至宣府虜大至再請上疾驅入關而嚴兵爲殿皆
不報最後詣行殿力請振怒曰腐儒安知兵事再安
言必死公曰我爲社稷生靈言何得以死懼我振愈
怒叱左右扶出明日次土木師覆遇害贈少保謚忠
肅

聖楷按公父名子輔以明經任本縣訓導陞安福
令不受復改句容教授家教至嚴公在陝西時俸

易一絨褐寄之。父大怒曰：「此子不才，如此汝棠一方刑名，不能洗冤澤物，乃索此不義之物，汗我卽封還公。又欲見其父，不可得。」念父爲教職，居閒秋闈，聘典文衡者，謀于僚友，往請其父。父大怒曰：「此子無知，汝居憲司，吾爲考官，何以防範？」又以書責之。公拜書，跪讀，泣受其教而已。嗟乎：事父至孝如此，事君那得不忠？世不乏慷慨就死、身膏沙漠者，殆未可同日而語也。

楊漣

楊漣字文孺，德安應山人。爲諸生，落籍自喜。里中呼爲狂生。少與陳愚結交，以豪傑相期許。嘗雲夜兩人行歌，徧邑中，倚柱而嘯，畫地而書，狂呼痛哭，人莫能測也。舉萬曆丁未進士，知嘗熟縣。其爲治，好古教化，豪強大姓爲茲猾亂吏治，必收案致法。吏人捧手，氣丞尉巖事如大府。字養小弱，問民所疾苦，徃行阡陌間，執手慰勞如家人。父子亦更以此察知謠俗及閭里姦利訟衰盜息，邑以大治。邑令俸薄不足贍家。

口其兄清寶田以資之五年入覲毀所束帶以佐辦
裝舉清官第一庚申擢兵科給事中先是光宗久
在東朝間于鄭氏儲位危軫惓惓然後定是年秋
宗寢疾皇太子希得召見目肝尚徬徨寢門外公
慮之走告閣臣當直宿閣中目率百官問安敕宋文
潞公詞內侍故事傳語伴讀王安太子當力請入
侍遲明而出日暮還宮以備非常安故守正力擁佑
太子同心憂懼者也光宗踐祚五日而病起封鄭
貴妃爲皇太后及所愛李選侍爲皇貴妃傳旨旁

午中外奸邪謂知上病不能自還扇動鄭李謀踞
兩宮挾皇長子以專國命公要諸大臣集左掖
門面折貴妃嬪養性貴妃知不可奪即日移慈寧宮
去公遂上疏極論鄭氏所遣醫文昇侍疾無狀宜下
司禮監推舉窮寃宣示中外罔俾賤臣誣汙起居
發病狀虧損盛德上暫輟舊幾進皇長子及
皇子扶牀繞膝導迎和氣收回封太后成命無輕發
詔令以尊國體事關禁近皆人臣所難言者疏上三
日上特命錦衣召公人意公且得罪上對羣臣

從密言病狀既而數注視公指皇長子科臣謂不
當去朕左右皆理公疏中語也故事宜召羣臣止及
吏科掌垣他垣不得與公以兵垣特召閣部歲在兵
衛甚嚴示以說九寶廷見之意自是再召與聞末命
光宗崩選侍驟乾清宮羣閣教選侍閉皇長子不
聽出慶外廷無可如何公肯定大計大行在乾清
羣臣哭臨畢卽擁皇長子升文華殿呼萬歲誓御
慈慶宮須選侍移宮而復則羣閣之計格我輩得以
事少主矣初詣乾清宮聞人持挺誰何公大罵奴

才手格却之將及宮門內豎傳李娘娘命追呼泣還
者至再公復手格叱退之皇長子旣居慈慶選侍
猶踞乾清不肯去宣言將垂簾詰責御史左光斗疏
中武氏何語公抗論于朝房于掖門于殿廷者日以
十數叱小豎于麟趾門者一叱閣臣從替及大閤于
朝者再選侍乃移一號殿而天子復還乾清後先
諍辨謂選侍不得母天子天子不當託宮嬪反
復痛切聞者口噤移宮之日奮髀叫呼聲淚迸咽選
侍能于九廟前殺我則已今日不移宮死不出矣

聲徹御座殿陛皆驚上亦語近侍胡子官真忠
臣也常是時三朝大故變起旬月舉朝旬旬不知所
爲公儼然行顧命大臣之事外戒金吾簡縱騎周廬
儼備內戒中官乳母禁宮人闌入身露坐宮門外五
日夜不交睫頭鬚盡白每有大議大臣左右顧視問
楊給事云何真敢專決也自神廟中年羣小窺苑
枯之勢開離間之隙浸淫蘊崇而發作于鼎革之交
公察知與寔誓死仗節奪人玉于婦赤之手其功最
爲奇偉然移宮旣竣羣小穴所馮倚帝屨拭舌造作

蜚語聳動朝士好異者進安選侍之揭以撼公公乃
上移官始末疏優詔歎嘉則誣公交關司禮安帝
取中旨以憲公公發憤再疏移病歸逆閹魏忠賢
漸用事構安殺之羣小私相幸以爲殺公有藝矣明
年卽家起太常寺少卿擢都察院左僉都御史轉左
副都御史羣小日夜中公忠賢所顧猶未敢卽發使
其私人疏糾左光斗魏大中牽連公客汪文言以嘗
公公家居時嫉忠賢關通阿母竊弄威福必爲社稷
憂扼腕流涕草疏藏橐篋中至是乃修飾爲二十四

大罪上之忠賢驚且悲柳地展轉號哭羣小教之曰
毋恐逐楊某公可安枕矣忠賢喜假會推盡逐公等
羣小又嘆之曰不殺楊某公之禍未艾也忠賢復大
懼急徵公等坐故經畧熊廷弼賊羅織成獄先是考
文言五奏備極迫使引公文言號去呼公仰天笑曰
安有貪賊楊大洪乎至死不服及考公獄吏顧以文
言爲微公大呼太祖高皇帝神光兩宗竟坐誣
服以死公死後大舉鈞黨轉相連染死徙廢禁逮捕
相望乃爲闡定三案刊要共借公爲質的以欺誣天

下而羣小所以殺公之本謀始大露然後知公之死
不究于擊閹而死于移官定計殺公者非操刀之閹
而至張三案之小人也詔獄後三年今天子卽位
追錄死閹忠臣以公爲首會其子之易等請闕訟父
寬詔所司上公死狀閹擊猶用事初贈僅平進一
級再贈削去部銜不肯上羣小之忌公而憎其骨餘
至于此極哉公爲人孝友潔廉正直誠篤家貧喪父
躬自相地勞瘁得疾幾殆夜聞鼓樂聲有神人降其
室爲處方病良已事繼母至孝事其兄清更衣并食

如○一○人○其○妻○有○違○言○于○母○兄○痛○歐○之○令○長○跪○謝○罪○而○
後○已○在○省○垣○四○方○貨○賂○不○敢○窺○其○門○間○受○故○人○問○遺○
隨○手○散○盡○家○無○餘○財○蘊○義○生○風○抗○論○悖○俗○採○纖○芥○之○
善○貶○毫○末○之○惡○是○是○非○非○明○白○洞○達○推○賢○讓○能○慰○薦○
單○素○手○疏○口○贊○如○恐○不○及○與○人○交○輸○寫○心○腹○贊○易○首○
視○奮○迅○感○慨○急○人○之○危○甚○于○已○以○故○知○與○不○知○皆○傾○
心○倒○身○願○爲○公○死○無○所○辭○也○當○其○昇○輓○就○徵○自○鄭○抵○
汴○哭○送○者○數○萬○人○壯○士○劍○客○聚○而○謀○纂○奪○者○幾○千○人○
所○過○市○集○攀○檻○車○看○忠○臣○炷○香○設○祭○祝○生○還○者○自○豫○

冀達荆吳縣延萬餘里追贖令亟賣柴洗削者爭持
數錢投縣令隄中三年而後止昭雪之後街談巷議
驚而相告云夫牧豎有歎有泣公之忠義微烈渡滄
海內蓋亦從古所未有矣嗚呼公之死在天啓五年
七月二十四日也慘毒萬狀暴屍六晝夜蛆蟲穿穴
畢命之夕白氣貫北斗災眚疊見天地震動冤抑可
勝痛哉崇禎五年其死友陳愚始爲公狀率其二子
跋跡數千里屬錢太史謙益志之茲蓋傳其畧云
聖楷曰楊大洪先生固社稷臣也抑予讀陳元朴

狀知世間尙有克友。讀錢太史志。知世間尙有公道。項奉高督學師檄修四朝三楚文獻錄。大洪傳屬之華容孫穀。又知世間極大忠孝。卽是極大文章。以之作人而訓行善俗。流風遐邇。以之報國而樹勛建業。彪炳丹青。太史亦云。千載而下。讀枕中嚙血之書。殆未有不正冠肅容。徬徨涕泗。相與教忠而勸義者也。吾師文獻一錄。造楚之功。豈有暨哉。

楚寶獨行論次

後漢書始立獨行傳其言曰或志剛金石而悍敵于
強禦或意嚴冬霜而甘心于小諒亦有結朋協好幽
明共心蹈義陵險死生等節雖事非圓通良其夙軌
有足懷者予觀楚士又何多偏至哉性不偏不獨事
不癡不奇荆山痛哭車下狎狂昭王失國乃見屠羊
卿士五百市南足當以此掩映方來操行俱絕故爾
龔生竟夭天年陸子號泣而不返也述獨行第十五
凡一卷

獨行一

卞和

接輿

屠羊說

熊宜僚

兩龔

陳平子

何顒

石偉

廖立

羅友

魚弘

陸羽

段弘古

吳璩

楚寶獨行論次終

楚寶卷二十七

明 梁谿高世泰彙旃父鑒定

湘潭後學周聖楷輯

長沙郭金臺較訂

獨行

卞和

卞和荆人得玉璞而獻之荆厲王使玉尹相之曰石也王以和爲謾而斷其左足厲王薨武王卽位和復奉玉璞而獻之武王武王使玉尹相之曰石也又以

爲謾而斷其右足。武王薨，文王卽位，和乃奉玉璞而哭於荆山中。三日三夜泣盡而繼之以血。文王聞之，使人問之，曰：「天下刑之者衆矣，子刑何哭之悲也？」對曰：「寶玉而名之曰石，貞士而戮之以謾，此臣之所以悲也。」文王曰：「惜矣！吾先王之聽難，剖石而易斬人之足，夫死者不可生，斷者不可屬，何聽之株也？」乃使人理其璞而得寶焉，故名之曰和氏之璧。

劉向曰：「珠玉者，人主之所貴也。和雖獻寶而美未爲玉尹用也。進寶且若彼之難也，况進賢入乎賢？」

人與姦臣猶仇讐也。於庸君意不合。夫欲使姦臣
進其讐於不合意之君。其難萬倍於和氏之璧。又
無斷兩足之臣。以推其難。猶拔山也。千歲一合。若
繼踵。然後霸王之君興焉。其賢而不用。不可勝載。
故有道者之不戮也。安白玉之璞。未獻耳。
聖楷曰。玉不可再獻。再獻卽非玉。足不可再別。再
別卽非足。然而事有不然。情有不得已者。卞和特
爲千古傷心人。痛哭空山。生其光燭。豈爲玉作計。
哉。故璞中之寶。有時入秦。足下之悲。惟餘哀郢論。

者乃謂和負希世之珍不剖之以獻而以璞嘗此何異癡人說夢

荆山考

按荆山在襄陽南漳縣西北八十里三面險絕惟西南一隅通人行其上有抱玉巖仙女洞荊州記曰縣西北三十里有清谿谿北即荆山首曰景山即卞和抱璞之處然又考漢地理志有二荆山其一禹貢北條荆山在馮翊懷德縣南今鳳陽懷遠縣是也其一南條荆山在南隄臨沮縣東南臨沮

卽南漳地近于郢和氏泣玉固應在此若鳳陽在
戰國時始屬楚安得有獻玉荆厲玉之事廣輿諸
記作懷王此又緣琴操之妄傳耳江淹望荆山詩
云奉詔至江漢始知楚塞長南關繞桐栢西途出
魯陽寒郊無留影秋日懸清光悲風撓重林雲霞
肅川漲歲晏君如何零淚沾衣裳玉柱空掩露金
樽坐含霜一聞蓓寒奏再使豔歌傷

接輿

接輿楚人也。好養性。躬耕以爲食。見楚政無常。乃佯狂不仕。時人謂之楚狂。楚王聞接輿賢。遣使持金百鎰。車馬二駟。往聘曰。請先生治江南。接輿笑而不應。於是夫負釜。妻戴維。變名易姓。遊諸名山。嘗歌而過孔子。曰。鳳兮鳳兮。何德之衰。往者不可諫。來者猶可追。已而已。而今之從政者。殆而。孔子下。欲與之言。趨而辟之。不得與之言。

聖楷曰。接輿不以隱名。而以狂著。蓋有心用世人。

也○楚○白○莊○共○而○後○霧○餓○平○鞭○照○惠○出○走○忠○憤○之○士○
無○不○怨○心○墮○涕○接○興○獨○何○取○潔○身○哉○然○此○時○非○有○
大○聖○人○不○能○爲○之○挽○回○而○子○西○華○又○不○足○與○語○故○
孔○子○適○楚○亦○未○必○無○勤○勞○文○武○之○思○而○接○輿○直○以○
爲○不○可○也○嗚○呼○胸○中○無○一○世○目○中○尙○有○孔○子○伊○何○
人○哉○鳳○德○遺○輝○竟○音○絕○響○

屠羊說

屠羊說楚之屠羊者也。楚昭王失國，屠羊說走而從於昭王。昭王反國，將賞從者。及屠羊說，屠羊說曰：「大王失國，說失屠羊。大王反國，說亦反屠羊。臣之爵祿已復矣，又何賞之言？」王曰：「強之。」屠羊說曰：「大王失國，非臣之罪，故不敢伏其誅。大王反國，非臣之功，故不敢當其賞。」王曰：「見之。」屠羊說曰：「楚國之法，必有重賞大功，而後得見。今臣之知不足，以存國而勇不足以死寇。吳軍入郢，說畏難而避寇，非故隨大王也。今大

王欲廢法緩約而見說此非臣之所以聞天下也王
謂司馬子基曰屠羊說居處卑賤而陳義甚高子其
爲我延之以三旌之位屠羊說曰夫三旌之位吾知
其貴於屠羊之肆也萬鍾之祿吾知其富於屠羊之
利也然豈可以貪爵祿而使吾君有妄施之名乎說
不敢當願復反吾屠羊之肆遂不受也
聖楷曰屠羊說不屑以絕人避世爲高又不屑以
三旌萬鍾爲貴故反而屠肆臣之爵祿已復矣而
從王臣之功罪無關仕隱之外有此奇人

熊宜僚

熊宜僚楚人居于市之南。白公勝將爲亂。謂其徒石乞曰。王與三卿士皆五百人當之。則可矣。乞曰。不可得也。曰。市南有熊宜僚者。若得之。可以當五百人矣。乃從白公而見之。與之言說。告之故辭。承之以劍。不動。勝曰。不爲利諂。不爲威惕。不洩人言。以求媚者。去之。

聖楷曰。楚之昭惠宗社幾覆。禍皆起于父子宜僚。爲楚同姓。不知幾許傷心。而肯從白公之亂乎。此

不足異惟其身足當五百人而能令君相不知通
國不知有一白公勝知之而又不能爲之動想其藏
身之智埋名之勇千古無兩嗟乎楚有如此人而
棄之市南猶幸不資敵國耳

兩龔

兩龔皆楚人也。勝字君賓，舍字君倩，二人相友並著名節。故世謂之楚兩龔。少皆好學，明經。哀帝自爲定陶王，固已聞勝名，徵爲諫大夫，引見勝，薦龔舍及元父、竇、壽、濟、陰、侯、嘉。有詔皆徵。勝曰：「竊見國家徵鑿巫嘗爲駕徵賢者，宜駕上曰：『大夫乘私車來耶？』」勝曰：「唯。有詔爲駕龔舍。侯嘉至，皆爲諫議大夫。竇壽稱疾不至。勝居諫官數上書求見，言百姓貧盜賊多，吏不良風俗，薄災異數見，不可不憂。制度泰奢，刑罰泰深。」

賦、斂、泰、重、空、以、儉、約、先、下、其、言、祖、述、王、古、黃、禹、之、意、
爲、大、夫、二、歲、餘、遷、丞、相、司、直、徒、光、祿、大、夫、與、廷、臣、會、
議、丞、相、王、嘉、事、不、和、博、士、夏、侯、嘗、起、至、勝、前、謂、曰、空、
如、奏、所、言、勝、以、手、推、嘗、曰、去、後、數、日、復、會、議、可、復、孝、
惠、孝、景、廟、不、議、者、皆、曰、空、復、勝、曰、當、如、禮、嘗、復、謂、勝、
禮、有、變、勝、疾、言、曰、去、是、時、之、變、嘗、恚、謂、勝、曰、我、視、君、
何、若、君、欲、小、與、衆、異、外、以、采、名、君、乃、申、徒、狄、屬、耳、未、
幾、坐、與、嘗、相、非、恨、貶、秩、各、一、等、勝、謝、罪、乞、骸、骨、會、哀、
帝、崩、王、莽、秉、政、勝、遂、薨、老、於、鄉、里、初、龔、舍、以、龔、勝、爲、

徵爲諫大夫病免復徵爲博士又病去頃之哀帝遣
使者卽楚拜舍爲太山太守舍家居在武原使者上
縣請舍欲令至廷拜授印綬舍曰王者以天下爲家
何必縣官遂於家受詔便道之官旣至數月上書乞
骸骨上徵舍至京兆東湖界固稱病篤天子使使者
收印綬拜舍爲光祿大夫數賜告舍終不肯起乃遣
舍亦通五經以魯詩教授舍勝旣歸鄉里範二千
石長吏初到官皆至其家如師弟子之礼舍年六十
八王莽居攝卒莽旣篡國遣五威將帥行天下風

俗將帥親奉羊酒存問勝明年薨遣使者卽拜勝爲
講學祭酒勝稱疾不應徵後二年薨復遣使者奉璽
書太子師友祭酒印綬安車駟馬迎勝卽拜秩上卿
先賜六月祿直以辦裝使者與罷太守縣長吏三老
官屬行義諸生十人以上入勝里致詔使者欲令勝
起迎久立門外勝稱病篤爲牀室中戶西南牖下東
首加朝服抱紳使者入戶西行南面立致詔付璽書
遷延再拜奉印綬內安車駟馬進謂勝曰聖朝未嘗
忘君制作未定待君爲政思聞所欲施行以安海內

勝對曰素愚加以年老被病命在朝夕隨使君上道
必死道路無益萬分使者要說至以印綬就加勝身
勝輒推不受使者卽上言方盛夏暑熱勝病少氣可
須秋涼迺發有詔許使者五日一與太守俱問起居
爲勝兩子及門人高暉等言朝廷虛心待君以茅土
之封雖疾病宜動移至傳舍示有行意必爲子孫遺
大業暉等白使者語勝自知不見聽卽謂暉等吾受
漢家厚恩以報今年老矣旦暮入地諒豈以一身
事二姓下見故主哉勝因敕以棺斂喪事衣周於身

棺周以衣勿隨俗動吾家種栢作祠堂語畢遂不復
開口飲食積十四日死死時七十九矣使者太守臨
斂賜複衾祭祠如法門人哀經治喪者百數有老父
來吊哭甚哀既而曰嗟乎薰以香自燒膏以明自銷
龔○生○意○天○年○非○否○徒○也○遂○趨○而○出○莫○知○其○誰○勝○基
彭城廉里後世刻石表其里門

聖楷按彭城古大彭氏國春秋爲宋地戰國屬楚
秦置彭城縣項羽自稱西楚霸王都此漢曰徐州
隋唐宋及國朝因之城東南有龔勝墓

陳平子

陳平子長沙人少遊太學爲諸生時山陽范式亦同
在學未相見而平子被病將亡謂其妻曰吾聞山陽
范巨卿烈士也可以託死吾歿後但以屍埋巨卿戶
前乃裂素爲書以遺巨卿既終妻從其言時式出行
適還省書見瘞愴然感之向墳揖哭以爲死友乃營
護平子妻兒身自送喪于臨湘未至四五里乃委素
書于樞上哭別而去其兄弟聞之尋求不復見長沙
上計掾史到京師上書表式行狀

聖楷曰人知范巨卿爲張元伯死友不知陳平子
又爲范巨卿死友然巨卿之見信於元伯猶在生
前平子之見信於巨卿乃在身後嗟乎人愈跡而
愈密事愈難而愈奇巨卿固不可及乎亦豈易
得哉裂素爲書常必有高於醞酒設饌者乎故表
著之使與烈士並傳

何顒

何顒字伯求南陽襄鄉人也襄鄉今少遊學洛陽顒雖後進而郭林宗賈偉節等與之相好顒名太學友人虞偉高有父讎未報而篤病將終顒往僕之偉高泣而訴顒感其義爲復讎以頭醢其墓及陳蕃李膺之敗顒以與蕃膺善遂爲宦官所陷乃變姓名亡匿汝南間所至皆親其豪傑有聲荆豫之域袁紹慕之私與往來結爲奔走之友是時黨事起天下多懼其難顒嘗私入洛陽從紹計議其窮困閉厄者爲求援

救○以○濟○其○患○有○被○掩○捕○者○則○廣○設○權○計○使○得○逃○隱○全○
免○者○甚○衆○及○黨○錮○解○頤○碑○司○空○府○每○三○府○會○議○莫○不○
推○頤○之○長○累○遷○及○董○卓○秉○政○逼○頤○以○爲○長○史○託○疾○不○
就○乃○與○司○空○苟○爽○司○徒○王○允○等○共○謀○卓○會○爽○薨○頤○以○
它○事○爲○卓○所○繫○憂○憤○而○卒○初○頤○見○曹○操○歎○曰○漢○家○將○
亡○安○天○下○者○必○此○人○也○操○以○是○嘉○之○嘗○稱○穎○川○苟○或○
王○佐○之○器○及○或○爲○尚○書○令○遣○人○西○迎○叔○父○爽○并○致○頤○
屍○而○葬○之○爽○家○傍○

石偉

石偉字公操南郡人少好學修節不怠介然獨立有
不可奪之志舉茂才賢良方正皆不就孫休卽位特
徵偉累遷至光祿勳及皓卽位朝政昏亂偉乃辭老
耄痼疾乞身就拜光祿大夫吳平建威將軍王戎親
詣偉太康二年詔曰吳故光祿大夫石偉秉志清白
皓首不渝雖處危亂廉節可紀年已過邁不堪遠涉
其以偉爲議郎加二千石秩以終厥世偉乃陽狂僞
言不受晉爵年八十三太熙元年卒

吳書曰永安四年夏五月大雨水泉涌溢秋八月遣光祿大夫周奕石偉巡行風俗察將吏清濁民所疾苦爲黜陟之詔

廖立

廖立字公淵，武陵臨沅人。今武隆縣先主領荊州，牧辟爲從事。年未三十，擢爲長沙太守。先主入蜀，諸葛亮鎮荊土，孫權遣使通好於亮。因問士人皆誰相經緯者，亮答曰：「龐統、廖立，楚之良才，當贊興世業者也。」建安二十二年，權遣呂蒙奄襲南三郡，立脫身走，自歸先主。先主素識待之，不深責也。以爲巴郡太守。二十四年，先主爲漢中王，徵立爲侍中。後主襲位，徙長水校尉。立本意自謂才名宜爲諸葛亮之貳，而更游散在李

嚴等下常懷怏怏後丞相掾李邵蔣琬至立計討軍
常遠出卿諸人好諱其事昔先王不取漢中委與吳
人爭南三羆卒以三羆與吳人徒勞復吏士無益而
還既入漢中使夏侯淵張郃深入於巴幾喪一州後
至漢中使關侯身死無子遺上庸覆敗徒失一方是
羽怙恃勇名作軍無法直以意突耳故前後數喪師
衆也如向朗文恭凡俗之人耳恭作治中無綱紀朗
昔奉馬良兄弟謂爲聖人今作長吏未能合道中郎
郭演長從人者耳不足與經大事而作侍中今弱世

也欲任此三人爲不然也主連流俗苟作掊克使百姓疲弊以致今日邵琄具白其言於諸葛亮亮表立曰長水校尉廖立坐自貴大賊否羣士公言國家不任賢達而任俗吏又言萬人率者皆小子也誹謗先帝疵毀衆臣人有言國家兵衆簡練部伍分明者立舉頭視屋憤咤作色曰何足言凡如是者不可勝數羊之亂羣猶能爲害况立託在大位中人以下識眞僞邪於是廢立爲民徙汶山羣立躬率妻子耕殖自守聞諸葛亮卒垂涕歎曰吾終爲左衽矣後監軍姜

維率偏軍經汶山請立稱立意氣不衰言論自若立
遂終徙所妻子還蜀

史懷曰廖立指切蜀事歷詆蜀用事之人與失事
之狀皆中痛癢不爲無識而語語犯忌武侯稍抑
之未爲不是而表劾之語似屬護短甚矣聽言容
物之不易也立被廢後自處不苟躬率妻子耕植
自守不失反已思過之義武侯沒而垂泣若以虛
公誠恕推諸葛於身後者寔是武侯知己觀武侯
處彭萊廖立李平皆未盡善而立爲甚

聖楷曰。廖立負名使氣。不能忍耐。目中流俗。遂至
快。快于秉大言。犯其所忌。臧否。遞于誹怨。非才之
善藏者也。然當其遠徙汶山。耕殖自守。聞亮既卒。
垂涕興思。矯然異夫。李嚴彭萊之所爲。是真能自
行其胸臆者。豈亮之用法。果有以致之乎。吾故不
取于習氏之言。

羅友

羅友字它仁襄陽人少好學不持節檢性嗜酒當其
所遇不擇士庶又好伺人祠往乞餘食雖復營署璫
肆不以爲羞桓溫嘗責之云君太不逮須食何不就
身求乃至於此友傲然不屑答曰就公乞食今乃可
得明日已復無溫大笑之始仕荊州後在溫府以家
貧乞祿溫雖以才學遇之而謂其誕肆非治民才許
而不用後同府人有得肥者溫爲席起別友至尤晚
問之友答曰民性飲道嗜味昨奉教旨乃是首旦出

門於中路逢一鬼大見。擲。掄。云。我。只。見。汝。送。人。作。罷。何。以。不。見。人。送。汝。作。罷。民。始。怖。終。慙。回。還。以。解。不。覺。成。淹。緩。之。罪。溫。雖。笑。其。滑稽。而。心。頗。愧。焉。後。以。爲。襄。陽。太。守。累。遷。廣。益。二。州。刺。史。在。藩。舉。其。宏。綱。不。存。小。察。甚。爲。吏。民。所。安。說。薨。于。益。州。

世說新語曰：襄陽羅友有大韻，少時多謂之癡。嘗伺人祠，欲乞食往太室門，未開，至人迎神出，見問以非時，何得在此？答曰：聞卿祠，欲乞一頓食耳。遂隱門側，至曉得食，便退了，無作客爲人有記功從。

桓宣武平蜀按行蜀城闕觀宇內外道陌廣狹植
種果竹多少皆默記之後宣武漂洲與簡文集友
亦與焉共道蜀中事亦有所遺忘友皆名列曾無
錯漏宣武驗以蜀城闕簿皆如其言坐者歎服謝
公云羅友詎減魏陽元後爲廣州刺史當之鎮刺
史相豁語令莫來宿答曰民已有前期至人貧或
有酒饌之費見與甚有舊請別日奉命征西密遣
人察之至日乃往荊州門下書佐家處之怡然不
異勝達

聖○楷○曰○羅○友○有○治○民○之○才○而○世○不○見○知○遇○桓○宣○武○
之○主○而○不○肯○趨○媚○以○干○進○安○得○不○乞○食○人○見○其○乞○
食○也○而○鄙○之○羞○之○鬼○見○其○送○人○也○而○擲○之○掄○之○羅○
友○胸○中○豈○無○超○然○於○鄙○笑○擲○掄○之○外○者○哉○昔○蘇○軾○
山○謂○淵○明○得○一○食○至○欲○以○寘○謝○玉○人○哀○哉○哀○哉○饑○
寒○嘗○在○身○前○功○名○嘗○在○身○後○二○者○不○相○待○此○士○之○
所○以○窮○也○

魚弘

魚弘襄陽人身長八尺白皙美姿容累從征討嘗爲軍鋒歷南譙盱眙竟陵太守嘗謂人曰我爲魏有四盡水中魚鱉盡山中麋鹿盡田中米穀盡村里人庶盡丈夫生如輕塵栖弱草白駒之過隙人生但歡樂富貴在何時於是恣意酬賞侍妾百餘人不勝金翠服玩車馬皆窮一時之驚絕有眠牀一張皆是感栢四面周匝無一有異通用銀鏤金花壽福兩重爲脚爲湘東王鎮西司馬述職西上道中乏食緣路採菱

作菱米飯給所部弘慶之所後人覓一菱不得又於
窮洲之上捕得數百獼猴脯以爲脯以供酒食比及
江陵資食復振逢勅迎瑞像王令送像下都弘率部
曲數百悉衣錦袍赫奕滿道頗爲人所慕塗經夏首
李抗敬其爲人抗舅元法僧聞之杖之三百後爲新
興永寧太守卒官

酉陽雜俎曰金錢花本出外國梁大同二年進來
中土梁時荊州橡屬麋陸賭金錢錢盡以金錢花
相足魚弘謂得花勝得錢

聖○楷○曰○魚○弘○之○爲○人○所○謂○不○可○無○一○不○可○有○二○者○
然○觀○弘○常○爲○軍○鋒○累○典○大○羈○卒○保○其○身○家○以○終○又○
豈○無○識○以○處○此○者○乎○且○自○謂○爲○羈○有○四○盡○似○諷○似○
謔○似○滿○眼○傷○懷○似○滿○肚○不○平○安○知○不○是○現○羅○刹○身○
而○爲○說○法○也○至○于○人○生○但○歡○樂○富○貴○在○何○時○與○張○
季○鷹○同○一○慨○慷○而○湖○海○之○氣○自○別○李○抗○學○之○誠○過○
矣○

陸羽

陸子名羽字鴻漸不知何許人有仲宣孟陽之貌陋
相如子雲之口吃而爲人少辯篤信褊操多自用意
朋友規諫豁然不惑凡與人宴處意有所適不言而
去人或疑之謂生爲瞋及與人爲信雖冰雪千里虎
狼當道而必行也上元初結廬于苕溪之濱閉關對
書不雜非類名僧高士談讌永日嘗扁舟往山寺隨
身惟紗巾藤鞋短褐犢鼻往往獨行野中誦佛經吟
古詩杖擊林木手弄流水夷猶徘徊自曙還暮至月

黑與盡號泣而歸。故楚人相謂陸子蓋今之接與也。始其家慙露青乎竟陵大師積公之禪院。自幼學屬文。積公示以佛書。出世之業。子答曰。終鮮兄弟。無復後嗣。染衣削髮。號爲釋氏。使儒者聞之。得稱爲孝乎。自將援孔聖之文。可乎。公曰。善哉。子爲孝。殊不知西方之道。其名太矣。公執釋典。不屈子。執儒典。不屈公。用矯憐。無變歷。試賤務。掃寺地。潔僧廁。踐泥污墻。具尾施屋。牧牛一百二十蹄。竟陵西湖無紙。學書以竹。畫牛背爲字。他日問字於學者。得張衡南都賦。不識。

其字但於牧所做青矜小兒危坐展卷口動而已公
知之恐漸漬外典去道日曠又求於寺中令其剪榛
莽以門入之然或默記文字惜焉若有所遺灰心木
立過日不作至者以爲慵慵鞭之因歎歲月往矣恐
不知其書嗚呼不自勝至者以爲蓄怒又鞭其背折
其楚乃釋困倦所投捨至者而去卷衣詣伶當者謹
談三氏以身爲伶正弄木人假吏藏珠之戲公追之
曰念爾道喪惜哉吾本師有言我弟子十二時中許
一時外學令降伏外道也以我門人衆多今從爾所

欲可緝學工書天寶中郢人補於滄浪道邑吏召子
爲伶正之師時河南尹李公齊物出守見異握手拊
背親愛集於是漢沔之俗亦異焉後負書于火門
山鄒夫子墅屬禮部郎中崔公國輔出守竟陵因與
之遊處凡三年贈白驢馬幫一頭文槐書函一枚云
白驢幫襄陽太守李憺見遺文槐函故盧黃門侍郎
所與此物皆已之所惜也空野人乘畜故特以相贈
洎至德初秦人過江子亦過江與吳興釋皎然爲繼
素忘年之交少好屬文多所諷諭見人爲善若已有

之見人不善著已羞之苦言逆耳無所迴避由是俗人多之自祿山亂中原爲四悲詩劉辰窺江淮作天之未明賦皆見感激當時行哭涕泗著君臣契三卷源解三十卷吳興歷官記三卷湖州刺史記一卷茶經三卷占夢上中下三卷並貯于褐布囊上元辛丑歲子陽秋二十有九日

皇甫曾送陸鴻漸山人採茶廻詩千峯待逋客香茗復甞生採摘知深處煙霞羨獨行幽期山寺遠野飯石泉清寂寂然燈夜相思磬一聲

張又新水錄曰代宗朝李季卿刺湖州至維揚逢
陸處士鴻漸李素熟其名有傾蓋之歡因之赴繩
泊楊子驛將食李曰陸君善于茶蓋天下聞名矣
况楊子南零水又殊絕今者二妙千載一遇何可
輕失乃命軍士謹信者挈甌操舟深詣南零陸利
繩以俟俄水至陸以杓揚其水曰江則江矣非南
零者似臨岸之水使稱不敢給陸不言旣而傾諸
盆至半陸遽止之又以杓揚之曰此南零者矣使
蹶然大駭伏罪曰某自南零齎至岸舟蕩覆半懼

其、斟、挹、岸、水、增、之、處、士、之、鑒、神、鑒、也、李、大、驚、陸、又、
曰、楚、水、第、一、晉、水、最、下、自、命、吏、占、而、次、第、之、
聖、楷、曰、嘗、讀、周、愿、牧、守、竟、陵、三、感、說、其、畧、云、愿、頻、
歲、與、太、子、文、學、陸、羽、同、佐、隴、西、李、公、之、幕、兄、事、之、
又、云、羽、字、鴻、漸、竟、陵、人、百、氏、之、典、學、鋪、在、手、掌、天、
下、賢、士、大、夫、半、與、之、遊、加、以、方、口、謬、謬、坐、能、諧、證、
世、無、奈、何、文、行、如、軻、所、不、至、者、貴、位、而、已、按、此、則、
羽、在、當、時、屢、就、徵、辟、大、有、文、譽、不、第、以、煎、茶、著、稱、
也、且、羽、既、自、撰、陸、文、學、傳、則、他、書、之、傳、疑、者、皆、可、

刪也。惜其著作不見于世。惟茶經三卷猶存。王元之陸羽茶井詩云。甕石封苔育尺深。誠茶香味少知音。惟餘半夜泉中月。留得先生一片心。井在景陵縣西北里許。一名陸子泉。

段弘古

段弘古安鄉人讀縱橫書剛峭少合尤濩落不事產
人或交之度非義輒去以故年五十不就祿嘗以法
家言抵御史大夫何士幹延以上座將用之會士幹
死聞襄陽節度使于頔愛人大言遂干以兵盡一見
喜甚居月餘視頔終不可與立功又遁去隴西李景
儉東平呂溫高氣節尚道藝聞其名求見大歡將門
下或一歲或半歲夜與言不知日出溫率景儉逐前
右拾遺張宿與然諾南見山中劉禹錫河東柳宗元

二人者言於御史中丞崔公。公時降治永州，知其信
賢，徵共去。又南抵好義容州，扶風寶羣途過桂，桂守
舊知君，拒不爲禮。君憤怒，發病不肯治，曰：「平生見大
人，未嘗相下。今窮於此年，加老接接，無所容入也。」益
困於俗笑。否安用生爲理道邊耳。居六月，死逆旅中。
崔公爲出涕，命特贈賻，致其喪。來永州，哭爲祭之。與
喪具道里費，歸塋澧州安鄉縣黃山南麓上。

聖楷按：黃山在安鄉縣北六十里，上有宋謝晦廟，
一名謝山。

吳瑛

吳瑛字德仁，蘄春人。以父龍圖閣直學士遵路任，歷仕至虞部員外郎。治平三年，官滿如京師。年四十六，卽請致仕。公卿大夫知之者，挽留不聽。相率賦詩飲餞于都門，遂歸。蘄有田，僅足自給。臨溪築室，種花釀酒。家事一付子弟，賓至必飲，飲必醉。或臥花間，客去亦不問。有臧否人物者，不酬一語。但促行酒，嘗有貴客過，瑛酒酣而歌，以樂罷扣其頭爲節。客亦不以爲忤。視財物如糞土。妹婿輒取家財數十萬貸人，不能

償瑛哀之曰是人有母得無重憂召而焚其券門生
爲治田事歷歲忽謝去曰聞有言某簿書爲欺者諒
不可留瑛命取前後文書示之蓋未嘗發封也盜入
室覺而不言且取其被乃曰他物惟所欲夜至寒幸
舍吾被其真率曠達類此哲宗朝屢召皆不起崇寧
三年卒

聖楷曰吳瑛胸中故無俗物者然有焚券一事始
覺種花釀酒非僞隱之資宋史爲之立傳亦具別
眼耶

楚寶真隱論次

古之所謂隱者不盡放情江海取逸丘樊已也或時有所未際姑藝鱗以養角或道有所不屈甘肥遁以幽栖或性有所不可寧孤光而絕俗故朝端振金玉之音而市肆多秀羸之士其迹愈近其心愈遠其隱愈大其道愈光自夫後世慕終南嵩少之風而處士虛聲蓋側席矣善乎孟少孤之言曰億兆之人無官者十居其九豈皆高士哉執此而循名雲壑採秀山阿洞庭衡嶽之間當必有隱君子焉述真隱第十六

凡一卷

真隱一

善卷

桃花源隱者

漢陰丈人

漢陰老父

龐公

伍朝

孟陋

郭翻

龔玄之

被苦野老

宗炳

宗彥之

劉凝之

龔祈

郭希林

劉蚪

庾易

宗測

洞庭老父

唐節

令狐揆